



الحمد لله واشهد أن لا إله إلا الله وحده لا شريك له وأن محمداً عبده ورسوله صلى الله عليه وسلم أما بعد ،،

هناكمل على كلامنا المرة اللي فاتت ومشاكل البنات اللي بتواجههم في الحجاب ..

ده الجزء الثاني من لايف أسميناه (لا أريد أن اتحجب) وكان الغرض الأساسي من اللايف ده هو إننا نناقش مناقشة هادئة جداً لأي بنت عندها شبهات أو بعض المشاكل في قضية الحجاب أو بعض الأسئلة التي تدور في

ذهنها أو بعض المشاكل التي يرميها الشيطان في ذهنها وقولنا المرة اللي فاتت إنها كالعادة بتبقى نفس الشبهات اللي ممكن تتكرر كل مرة وكل بنت بتقول نفس الكلام لأن في الحقيقة المصدر واحد (مصدر الشبهات واحد) وفي النهاية الشيطان هو الذي يلقي في أذهان البنات نفس الكلام ، نفس المشاكل ، نفس الشبهات اللي بتوصلنا في الآخر كدعاة إننا كل سنة كل عشر سنين تقريباً بنسمع نفس الكلام من البنات وبالتالي الموضوع بالنسبة لنا بقى خبرة خلاص عارفين هنسمع إيه وعارفين الرد هيكون إزاي..

• فيمكن المرة اللي فاتت اتكلمنا على خمس شبهات وهي شبهة اعتقاد إن طالما قلبي أبيض يبقى أنا مش محتاجة ألبس حجاب وإن المهم

قلبي يكون أبيض ماذيش حد وردينا باستفاضة
عن الأمر ده اللايف اللي فات ،،

• **والشبهة الثانية** التي تقول إن في محجبات
وحشين وأنا أه مش محجبة بس أنا أخلاقي
أحسن من محجبات كتير وكده كده في
محجبات مش قدوة واتكلمنا فيها برده
باستفاضة .

• **الشبهة الثالثة** واتكلمنا فيها إن في ناس
بتقول المهم الاحتشام وإنني أكون محتشمة
ودردشنا كتير مع اللي هي بتقول كده ووصلنا
معاهها في الآخر إن الاحتشام لازم يكون هو
الحجاب الشرعي .

• **الشبهة الرابعة** اللي اتكلمنا فيها وهي لما
ربنا يهديني هلبس الحجاب واللي عايز الرد
على الشبهة دي يرجع للايف بتاع المرة اللي

فاتت بنفس الإسم على يوتيوب (لا أريد أن
اتحجب _الجزء الأول) وده هينزل على
اليوتيوب برده بإسم (لا أريد أن اتحجب _
الجزء الثاني) .

• والشبهة الخامسة و الأخيرة اللي اتكلمنا
فيها المرة اللي فاتت هي شبهة انالسه صغيرة
وردينا على البنت اللي بلغت ونزل عليها دم
الحيض ولسه بتقول أنا لسه صغيرة وماما
بتقولي أنتي لسه صغيرة فكلماها برفق ولين
إن مينفعش أبدا واحدة نزل عليها دم الحيض
وتقول أنا لسه صغيرة ، ولو ماتت هتتاسب
عادي زي ما كل واحد فينا هيتاسب زي
وزي مامتها هتتاسب وأبوها والصحابة
والتابعين هتتاسب زيهم لأن أي حد بلغ
خلاص أمام ربنا بقى ليك حساب بقى ليك

كتاب بقى في سيئات وحسنات بقى فيه صراط
وجنة ونار وكل حاجة هتتعامل عادي جدا
حتى لو بلغت يوم واحد أنتي الآن مكلفة لابد
أن تتعاملي على أنك لست بصغيرة لأن
الصغيرة عندنا = غير مكلفة

والغير مكلفة تتساهل معها وتتعود أما المكلفة
فأمرها قد انتهى والان نحن عرضة لأى بنت
تموت دلوقتي سعتها مش هيقال عليها عند
ربنا أصل دي كانت صغيرة ولكن هيقال إن
هي كانت بالغة فهتتاسب وأهلها كمان
هيتاسبوا على كده ..

فخلينا النهاردة بقا نتكلم عن

• الشبهة السادسة كنت هخلي الشبهة دي
متأخرة شوية لكن طبعاً بما إن الجو ساقع
ومتلج فالواحد بيشوف أحياناً في الطريق

حاجة بتساعده في دروسه يعني أنا متعود في حياتي إن أنا لما بشوف أي حاجة في الحياة كده كل واحد بيفكر في الحاجة اللي تهمله لأن أنا منشغل بموضوع الدعوة فممكن أشوف حاجة في الطريق تلفت نظري لفكرة دعوية أو لخاطرة هتتفع الناس فايه علاقة ده بموضوع الحجاب

الشبهة اللي كنت هأخرها بس هقولها بدري في موضوع الحجاب أو خاصة النقاب لو اتكلمنا في واحدة مش محجبة بتتكلم في الحجاب وواحدة محجبة وعايضة تنتقل لخطوة النقاب ومرتدة بسبب الشبهة دي وهي إنها تقولك أنا الحجاب بيخنقني أو الدنيا حر وأنا لا استحمل الحجاب وألبسه في الحر والكلام ده طبعاً الكلام ده مش هتسمعه دلوقتي يعني

الكلام ده مفيش حد هيقوله دلوقتي خالص
الكلام ده بيتقال في الصيف بس لكن دلوقتي
العكس ممكن المحجبة تكون فرحانة جدا
وتقول الحمد لله إن أنا لابسـه حجاب على الأقل
مغطي ودني وراسي ومدفيني هي متكتفة
ومتكافتة ومغطية كل حاجة وتـمام أوي فـفي
الشتاء المحجبة بتكون هي اللي مبسـوطة
وسعيدة والثانية بتكون مكابرة شوية ..

فإيه المشهد اللي احنا بنشوفه ويخليني اقول
للمترددة عيب

التلج اللي إحنا فيه ده دلوقتي بنمشي في
الطريق في بنات مش محجبة وكاشفة شعرها
ومازالت في هذا الشتاء رغم البرد الشديد برده
كشفه شعرها ورقبتها عادي ويمكن كمان
تكون كاشفة جزء من فتحة في لبسها عشان ده

لبسها الطبيعي وعندها استعداد تستحمل كل
ده رغم السقعة الشديدة جدا اللي إحنا كرجالة
ممكن مستحملهاش ، سواء ده لبسي وأنا بحب
البس كده ومش بحب البس الكوفيات والكلام
ده وهتنزل كده

بل في بنات ممكن لسه بيلبسوا البنطلون مقطع
وتكون في عز الثلج لابساه مقطع وفي بنات
طبيعة شغلهم لازم تلبس قصير مثلاً شوية أو
تلبس شراب خفيف في طبيعة شغلها زي
واحدة مضيفة في طائرة وده طبيعة شغلهم
صيف شتاء فأنت بتستغرب يعني انت تقول
البنات المتبرجة اللي هي عارفة إن هي غلطانة
وممكن بتأخذ سيئات على الكلام ده بسبب إنها
معانده ومش عايزة تلبس كده وشايفة إن لبس
البنطلون هو ده الشياكة وعندها تستحمل كل

البرد الشديد لأن شغلها كده وتقدر تسحمل
البرد ده رغم كل شئ وتيجي بقا صاحبة الحق
اللي عايزة تتحجب اللي عايزة تلبس ما
يرضي الله سبحانه وتعالى تقولك أصل
الحجاب ده بيتعبنى وبيزهقني والدنيا حر

يعني اللي على الباطل عنده جلد وقوة يتحمل
وصاحب الحق ما عنده قدرة ولا قوة إن هو
يتحمل من أجل الحق الذي يدين لله سبحانه
وتعالى فده يخليها تتكسف وتقول يعني هم
بيستحملوا في السقعة وأنا مش قادرة استحمل
الحر عشان مثلاً بلبس اسود والنقاب ولا
مغطية كل جسمي إيه المشكلة يعني لما
استحمل لله سبحانه وتعالى

دول بيتحملوا من أجل منظرهم و دنيا
يصيئونها إنما أنا بتحمل لله سبحانه وتعالى..

هقول مثال خاص بالمشرकिन ولكن لا أقصد
بييه حاجة لأن المحجبة على راسي طبعاً
مسلمة وكل حاجة .

• **مثال :-** قال الله سبحانه وتعالى في غزوة
أحد { إن تكونوا تآلمون فإنهم يآلمون كما
تآلمون وترجون من الله ما لا يرجون وكان
الله عليماً حكيماً }

فربنا يقول أنتم بتتآلموا طب ما برده الكافر
يتآلم بس في فرق أنت لما تتآلم ترجو أمر لا
يرجوه الكافر فأنت ترجو الله سبحانه وتعالى
وأما هو فأقصى أمانيه أن يرجو دنيا يصيبها
وبالتالي أنتي لما تحسي إن التحمل أو شئ من
الحر وهيكون في صعوبة في الصيف ونحو
ذلك فده لله سبحانه وتعالى، لا شك إن ده
بيخليكي فرحانة وتحملتي كل شئ زي ما هي

بنتحمل كل شيء في الشتاء عادي وعازية تلبس
لبسها لأن ده بيفرحها وبيرضيها أو بيرضي
شهواتها وإحنا بنرضي ربنا سبحانه وتعالى..

ربنا سبحانه وتعالى عاب على المنافقين لما
قالوا في غزوة تبوك { لا تتفروا في الحر }
وكان الرد الشديد عليهم قال {قل نار جهنم أشد
حراً لو كانوا يفقهون }

وهذا الكلام نفسه نقوله للمتردة إن نار جهنم
أشد حراً وإن إحنا بنتحمل حر بسيط جداً من
أجل أن نحمي نفسنا من حر هو أشد ، إحنا
بنزل نصلي في المسجد في الحر ومسجد
مبيقاش فيه تكييف ونتحمل عشان أنا لازم
أعمل كده

لأن أنا بحمي نفسي مما هو أشد في الحرارة
عند الله سبحانه وتعالى ..

الصحابة طلّعوا من مدينة لغاية تبوك يعني
ماشيين على رجليهم أو يعني راكبين حتى لكن
الحر شديد جداً المنافقين مقدروش يطلّعوا وكل
ده ما ترددوا في ذلك لأنهم يعلمون أن نار
جهنم أشد حراً كما قال سبحانه وتعالى ..

✍ ثم إن الواحدة منكم لازم تتأمل أن (**السلعة غالية**) سلعة الله غالية ألا إن سلعة الله
الجنة لأنك أنتي لما تيجي تشتري جنة لازم
تدفعي ثمن الحاجة مش ببلاش فهذا ثمن إذا
رأى الله منكى ذلك فإنه سبحانه وتعالى يرضى
عنك ويكتب لك الخير والتوفيق .

✍ الأمر الذي يلي ذلك أن النبي هو نفسه
قال كده قال [**حفت الجنة بالمكاره وحفت
النار بالشهوات**]

يعني أمور قد يكرهها الإنسان لاشك إن التجميل وده من طبيعة المرأة هي بتحب الظهور وبتحب التجميل والحجاب يكمن يكون عكس الهوى ده كونها متبقاش عايزة تبقى حرانة أكيد مفيش حد عايز يبقى حران ودي نوع من انواع المكاره لكن ربنا سبحانه وتعالى جعل الإنسان لهذه المكاره إرضاء له سبحانه وتعالى فهو طريق إلى الجنة ألا إن سلعة الله غالية ألا إن سلعة الله هي الجنة .

س/ لو أن إنسان مثلاً جت له وظيفة ووظيفته دي بسيطة جداً فواحد جاء وقال له ما هي وظيفتك ؟

ج/ قال له الوظيفة اللي عايزك تشتغلها إنك تقف في الشمس في شهر يوليو مثلاً شهر 7 و8 وشغلتك إنك هتقف هنا حراسة مثلاً

فالمكان مفهوش ظل خالص وهتقف هنا بس
تلبس لبس الحراسة فقال له طيب الأجر كام
عشان استحمل ؟

فقاله هتاخذ في الساعة ألف جنيه وطول ما
أنت واقف هنعد لك الساعات اللي بتقفها
وهنديك مرتب كل يوم على حسب الساعات
اللي بتقفها ، فلو وظيفة زي دي تتقبل ولا لا
تقبل

ج/ لا شك إن حد يقبلها لأن أي حد يقبل
الوظيفة دي لأن هاخذ في الساعة الف جنيه
هتتر شوية هعرق شوية هدومي هتتبدل
شوية لكن مش مهم دي ألف جنيه في
الساعة

لوجه بعد كده صاحب الوظيفة دي وراح
لصاحبنا اللي واقف ده وعارف إنه هياخذ ألف

جنيه فقال له إيه الأخبار عامل إيه ، تعبان ،
حران ، مضايق ، بلاش

فطبيعي هيقوله بلاش إيه لأ يا باشا حران إيه
يا باشا ده أنا مبسوط آخر انبساط هو في جو
الطف من كده ، هو في جو أحلى من كده ، ده
أنا قاعد هنا في تكييف ، ده أنا مش تعبان
خالص

وهو فعلاً هيقوله كده من قبله لأنه اللي خلاه
يقول كده (تَوَقُّع الأجر) إحساسه دائماً بتوقع
الأجر مخليه مش حاسس بالألم مش حاسس
بأي تعب أو بأي ألم لأنه المفترض متوقع في
كل ساعة الألف جنيه وأنها هتجيله كل ساعة
طيب لو افترضنا إن الألف دي طلعتوا عشرة
آلاف أو مائة ألف في الساعة لاشك إنه
هيرواح يصيف في المكان ده بعد كده

الذي تأخذه المحجبة من الأجر عند الله سبحانه وتعالى لو أنها استحضرت هذا الأمر مكنش جه في بالها خالص موضوع الحر والخنقة ولبس بيضايقني ومش باخذ راحتي فيه فمكنتش هتقول كده خالص وأنا أزعم أن الحجاب من العبادات العجيبة التي لها أجر لا ينقطع أو أجر كبير جدا لأن المحجبة بمجرد أن تنزل من بيتها وكانت محتسبة لله سبحانه وتعالى فهي في عبادة إلى أن تعود يعني الذكر ممكن انقطع فيه ، ممكن مقرأش قرآن ، أصلي لا أصلي لكن في عبادة مستمرة لا تنقطع أبدا مثل الحجاب ومثل الصيام

الصيام عبادة عظيمة ليه

لأن أنت قاعد علطول من الفجر للمغرب فالطلعة دي اخده أجر كبير جدا عكس

المتبرجة اخده وزر لغاية ما ترجع فده شلال
حسنات وده شلال سيئات ..

اللي عايشة في الجو ده واللي حاسه بالقيمة
دي هتيجي تشتكي من حر ومضايقة

بالمرة بقا تقول أصل الحجاب لا استريح فيه
وده بنكلم فيه مين اللي بتلبس بنطلون في
العادة ، البنات اللي بتلبس بنطلون ضيق أو
چينز فتحيي تقولها البسي واسع فتقولك
البنطلون بيرحني أكثر والجيبة لا أعرف
التعامل معها

فهي عندها مشكلة ومش بنقولها مشكلتها عن
تصورها عن الجيبة اللي هتلبسها هي في
الآخر بتنتقل في الآخر من البنطلون إلى جيبة
ضيقة فعلاً غير مريحة وممكن يكون فعلاً
البنطلون اريح منها وأحنا مقولناش اطلعي من

البنطلون للجبيبة الضيقة جداً دي اللي تكاد تكون الحركة فيها غير مريحة فعلاً فلأ إحنا بنقول إن المرأة تخرج من البنطلون الضيق ده إلى الحجاب الحقيقي ، حجاب واسع فعلاً

اللي هو يبقى حركة المرأة فيه حركة أسهل بكثير أكيد من البنطلون أن تكون لابسه واسع جداً وحررة الحركة خاصة لو لبست حاجة فضفاضة مش ضيقة على الوسط لأن الضيق من الوسط ده بيخلي الحركة مش مريحة لكن لو لبست واسع من الوسط أكيد بتبقى الحركة أسهل..

بعض البنات تعتقد وده عن تجربة وأنا شوفت زوجتي منتقبة من زمان وغيرها اللبس الشرعي الواسع فعلاً مش حر أصلاً زي ما الناس متخيلة ومش بيعطل الحركة خالص

بالعكس هو في الحركة أسهل بكثير ، اللبس
الصح يعني

وأنه في الحر سيكون اريح بكثير فهي في
النهاية لابسة واسع جداً عامله زي واحد لابس
قفطان كده

♡ يبقى متهوي والدنيا هوا تحت بتبقى
مخففة متقلة بتخفف في الصيف خالص ، بتقل
في الشتا خالص فكل ده مش باين وفي النهاية
هي بتعرف تظبط الأمور على حسب الجو
وفي الآخر بتبقى في الصيف مهوية كده
ومستريحة وفي الشتا بتعرف تتقل على
راحتها لأن في الآخر اللي ظاهر لينا لابس
معين تحت بقا هي اخده راحتها خالص وده
يمكن اخواتنا اللي بيلبسوا واسع عارفين الكلام

ده ودارسينه كويس ويأيدوا الكلام اللي أنا
بقوله ..

أما اللي بتلبس بقا بنطلون چينز ولا بسه فوقه
حاجة ضيقة فهي دي اللي بتبقى فعلاً متكتفة
هي اللي كتفت نفسها ولما بنقولها انتقلي
للحجاب مش قصدنا نقول انتقابي من البنطلون
إلى الجيبة الضيقة تعركل الحركة ولكن انتقلي
إلى حجاب واسع واريح بكثير في الحركة
وليكي الحرية في اللبس ..

تعالوا ننتقل إلى المشكلة أخرى الشبهة السابعة
وهي (مش مقتنعة بالحجاب) ودي من
الشبهات القوية فواحدة تقولك مش مقتنعة
أصلاً بالحجاب ،،

عندنا ليها احتمالين :

✓ الاحتمال الأول:- ان هي مش مقتنعة أنه

فرض

✓ الاحتمال الثاني:- إنها عارفة إنه فرض

بس برده مش مقتنعة بيه

فالاحتمال الأول إنها مش مقتنعة إنه فرض

ممكن تكون سمعت كلام ما هنا أو هناك حد

قال إن الحجاب مش فرض فأحنا ممكن

بنعذرنا لكن نقول لها إن الحجاب قامت عليه

أدلة من الكتاب والسنة قال تعالى { وليضربن

بخمورهن على جيوبهن }

قال الله تعالى { يا أيها النبي قل لأزواجك

وبناتك ونساء المؤمنين يدنين عليهن من

جلابيبهن }

النبي قال **[لا صلاة لحائض إلا بخمار]** فأمر الحائض إن هي تلبس خمار في الصلاة فضلاً عن خارج الصلاة وقالت عائشة رضي الله عنها لما رأيت نساء يلبسن لباس رقيقة: **[إن كنتن غير مؤمنات فلبسن ما شئتن وإن كنتن مؤمنات فهذا ليس بلباس المؤمنات]**

فالادلة كثيرة جدا والنبي قال **[إن المتبرجات عن المنافقات]** وأحاديث كثيرة دلت على أن الحجاب فريضة

وممكن واحدة تقول مثلاً ممكن الأدلة دي تكون على إنه ليس بفرض ممكن الأدلة تكون على إنه مستحب مثلاً فنقولها مثلاً أجمع أهل الإسلام وعلماء الإسلام من أول الصحابة إلى يومنا هذا على أن الحجاب فرض فلا نعلم عالماً واحداً على مدار ١٤ قرن قال أن

الحجاب مستحب مثلاً والحجاب هنا نقصد به أصل الحجاب أما النقاب فهو في خلاف مشهور يعني تغطية وجه المرأة خصوصاً بين الاستحباب والوجوب أما الحجاب ماعدا مسألة تغطية الوجه ما في أحد من أهل العلم لم يقول إلا بفرضيته على المرأة

فإذا كانت مشكلة المرأة اللي هي بتقول أنا مش مقتنعة عشان فرض خلاص يبقى المفترض لما نقولها الكلام ده خلاص هو فرض والمفروض الموضوع ينتهي ..

مشكلتنا مع الثانية بقا إن هي عارفة إنه فرض لكن برده مش مقتنعة ودي بقا اللي عندنا معاهها مشكلة يعني إزاي أنتي بتقولي إنك عارفة إنه فرض وإن ربنا فرضه بس أنا مش مقتنعة بيه

فهنّا ببحصل لى error فى دماغى إن إزاي
أنتى مقتنعة إنه فرض وفى نفس الوقت مش
مقتنعة بيه طيب واحدة واحدة

✓ **فرض مين اللى فرضه = الله سبحانه**

وتعالى

✓ **طب إزاي ربنا فرضه وأقول بعدها إنى**
مش مقتنعة

س/ هل معنى كده إنى مش مقتنعة بكلام ربنا
؟ مش مقتنعة بحكمة ربنا ؟

ما هو اصل لو ركزنا هنوصل لنتائج مخيفة
إن أى حاجة غير الحجاب بقا عرفنا إنها حرام
أو إن دى فرض بعد كده أقول مش مقتنع كده
عندى مشكلة معاك مش مقتنع بإيه مش مقتنع
بربنا

مش مقتنع إن ربنا حكيم مش مقتنع إن ربنا
عليم

شاييف إن أنت رأيك أحسن من كلام ربنا مثلاً
شاييف إن حكمك في الموضوع ده أفضل

في كده بقا مشكلة ويبقى إحنا لازم نأصل عند
نفسنا أصل وايه هو الأصل

إن طالما ربنا فرض أو حرم شئ خلاص أنا
دوري مش في إنني أقيم حكم ربنا وأقول
عاجبني ومش عاجبني أو أقول صح أو خطأ
أو أقول مقنع أو غير مقنع إنما دوري كعبد
إنني أسلم والتسليم غير ناتج عن أسلم
وخلاص واللي حصل حصل ولكن التسليم
يكون وأنا أشعر بالفرح لأنه كلام جايلي من
عند العليم الحكيم الخبير فاستسلامي له هو (
العقل) واحترامي لعقلي واستسلامي له هو

افتخار بأن الأمر ده جايلي من مين ؟ من الله
العليم الحكيم ..

• **مثال /** أنت لو روحت لكذا دكتور مثلاً في
مشكلة عندك وكان في دكتور لسه متخرج
كتب لك علاج وبعد كده روحت لأحسن
دكتور في العالم وكتب لك دواء هتلاقي نفسك
بتروح تلقائياً للعلاج اللي وصفه لك أحسن
دكتور في العالم لأنك أنت بتقول لا يمكن
يكون الراجل ده غلطان وخبرته خمسين سنة
وموصوف إنه أحسن دكتور في العالم وأنت
مش هتقبل أي كلام تاني أصلاً وهتبقى وأنت
رايح تجيب الدواء فخور كده إن الدكتور فلان
وصف لك الدواء وممكن أنت أصلاً مش فاهم
العلاج ولا عارف بيعمل ايه بس أنت هتأخذه
وأنت مقتنع تماماً إنه العلاج الصح

فإذا كان ده حال عليم بالطب فما بالك بحال
العليم بالبشر وازاي إحنا نتعامل مع ربنا كده
وازاي أقول يارب أنت أمرت أو نهيت أو
فرضت أو حرمت بس أنا مش مقتنع كيف

إذا كنت أنت اقتنعت بطبيب بأنه ماهر أو
بمهندس لأنه ماهر فكيف لا تقتنع برب
العالمين الذي خلق كل هؤلاء جميعاً { ألا يعلم
من خلق وهو اللطيف الخبير }

وبالتالي لما بيحصل كده إحنا بنعيب على اللي
بيتكلم بالطريقة دي اللي هو إزاي يعني لو
مش مقتنع إنه فرض ثبت لك إنه فرض بس
بعد كده اقتنعت إنه فرض وترجع تقول أنا
مش مقتنع بيه برده إزاي يعني

ثم إن الحجاب مقنع بغض النظر بقا أنه جاي
من ربنا ده مفترض كفاية نأصله للحياة بقا هل

لازم لما ربننا بأمر لازم يقولنا الحكمة
عشان مش هنقبل الكلام ولا ممكن ميقلناش
الحكمة وعادي يبقى ده بالنسبة لنا أمر مقبول
وأنا هنفزه رغم إني معرفش الحكمة ويكفيني
أن الله عليم حكيم وأكد في حكمة بس أنا مش
أخد بالي منها أنا المفترض إن الأصل يأتيني
من الله لا يلزم إنه يأتيني بالحكمة ويكفيني أنه
عليم حكيم طب وما بالكم أنه قال لنا حكم في
الحجاب

حكمة { **ذلكم أظهر لقلوبكم وقلوبهن** } يبقى
القلب يظهر بالحجاب قلبي أنا كرجل أو قلب
المرأة التي ترتدي الحجاب.

حكمة { **ذلك أدني أن يعرفن فلا يؤذين** } أن
المرأة التي ترتدي الحجاب لا تتعرض للإيذاء
والتحرش والمعاكسات كما يحصل للمرأة التي

لا ترتدي الحجاب بطهارة القلب وسلامة البدن
بلا شك ، فدي حكم مقنعة جدا فمتجيش واحدة
تقول بقا إيه أصل أنا مش مقتنعة ..

• **الشبهة الثامنة** واحدة تيجي وتقولك المهم إن
أنا بحب ربنا وأنت مش متخيل أنا بحب ربنا
أد إيه والمهم إن إحنا نحب ربنا وتعيش بقا في
حته صوفيه كده المهم قلب يحب ربنا وخلص

✓ **الرد :** نقول أن الحب له أمارات مینفعش
إنك تحبني وتعصيني يبقی أنت مبتحبنيش
لأنك تعصي كلامي

"تعصي الإله وأنتف تزعم حبه ذلك لعمرى
في القياس شنيع لو كان حبك صادقاً لأطعته
إن المحب لمنيحب مطيع"

فإذا كنتي تحبين الله سبحانه وتعالى فعلامة
ذلك أن تطيعين الله وتطيعين الرسول { قل إن
كنتم تحبون الله فاتبعوني يحببكم الله ويغفر
لكم ذنوبكم والله غفور رحيم }

• **الشبهة التاسعة** إن واحدة تيجي تقول والله
الحجاب جميل بس أنا هتجب بس لما اتجوز
فدي عندها معانا مشكلة

أولا :- إن هي ف تعارض في إشكال بين
الحجاب وبين الزواج وإن الحجاب هيعطل
موضوع الزواج وإن التبرج هيسرع موضوع
الزواج طيب هنقول كذا حاجة وبالمرة هنقول
الشغل لأن في واحدة تقولك لأ لما اشتغل
أضمن شغل الأول بالمرة يعني لأنه ضمن
نفس الباب (باب الرزق) دائما أي حد عنده

مشكلة بين طاعة وبين رزق الرد عليه يكون
سهل جدا

من الذي أمر بطاعة = الله من
الذي يرزق = الله

إذا الأمر هو الرزاق الذي نطلب منه الرزق
هو الذي نعصيه يعني نطلب الرزق من ربنا
فنقول يارب أنا مش هلبس الحجاب وهعصيك
علشان ترزقني زوج

يارب أنا مش هلبس الحجاب وهعصيك عشان
تكرمني بشغلانة كيف هذا ؟

هل الرزاق غير اللي أمر بالحجاب ؟ فأنا مش
هلتزم بالحجاب عشان الرزاق يرضى عني
ويرزقني ! أم أنهم واحد ؟ ! { ألا له الخلق
والأمر } هو اللي هيرزقك بزواج وبالتالي

منين الفلسفة دي جت إن أنا اعصيك لكي
ترزقني ، اعصيك لكي يأتيني زوج ، اعصيك
لكي أعمل

والمفروض العكس اللي بيطلب الرزق من الله
سواء الزوج سواء العمل سواء الرزق الطيب
الحلال يطيع ولا يعصي فمنين أجمع أنا ما
بين المعصية وبين رجاء ما عند الله سبحانه
وتعالى من الرزق فحتى لو جالك الزوج لو
جالك الرزق فغالبا لن يكون هناك توفيق ولن
يكون هناك بركة إنما جاء بالمعصية وقد قال
النبي ﷺ [إن روح القدس _أي جبريل_
نفت في روعي أن نفساً لن تموت حتى
تستكمل أجلها وتستوعب رزقها فاتقوا الله
وأجملوا في الطلب واعلموا أن ما عند الله لا
يُنال إلا بطاعته] كل الرزق هيجي رزقك

جاي جاي ومحدث هيموت ناقص حاجة حتى
تستكمل أجلها وتستوعب رزقها قال فاتقوا الله
وأجملوا في الطلب ومعناها اطلبوا الطلب
الجميل والرزق الحلال اطلبوا بالحلال طالما
رزقي كده كده هو هواه فطلبه بالحرام ليه ؟
هو مش هيزيد ولا هيقول يعني اخده بحرام
وادخل النار وهو هواه في الآخر فعلى إيه

فما عند الله لا ينال إلا بطاعته أي البركة كده
كده الرزق واحد بس في رزق تأتي معاه
البركة ورزق يأتي مش معاه البركة والرزق
اللي جاء من غير بركة هو الذي جاء بالحرام
لا يوجد توفيق والدنيا بتقف بعد كده أما الرزق
اللي معاه بركة هو ما جاء بالحلال فالمعصية
لن تأتي بخير وان جائت بعريس فلن تأتي
برجل طيب صالح يعني الذي جاء وأنتي

متبرجة الآن عادة سيكون رجلاً ينظر إلى
النساء أكيد لأنه كونه قبل إن يكلمك ويمشي
معاكي على الوضع ده فهو رجل لا يتقي الله
بشكل كبير مش هنقول وحش أوي لكن مش
هيكون عنده ديانة كافية إنه يغض بصره بعد
كده هو هو هواه نفس الرجل اللي اتجوزك على
الوضع ده بعد الزواج هتلاقيه ببص للنساء
عادي لأن هو شافك واتعود عليك فهبص
لغيرك بقا لأنه أصلاً واحد بيطلق بصره
سعتها أنتي هتتضايقني أنا ماشية مع واحد
كده وهتخانقي معاه بتبص ليه

طب هو جابك إزاي ما هو بص لك والعكس
بقا هو نفسه لما خدك كده وجيتي تلبسي اللبس
ده بعد الزواج هيضايق يقولك كل الرجالة

بيصوا لك وأنتي تقولي له ما أنت آخذني كده
وتبدأ تحصل المشاكل

ولو فكرتي تتحجي اللي هو التفكير اللي في
دماغك اتحجب بعد الجواز يقوم هو يمنعك
ويقولك لا أنا مش عايزك تتحجي أنا آخذك
كده انتي عجباني كده أو لو اتحجبتى ممكن بقا
تقلي في نظره لأنك اتحجبتى بشكل معين
فقليتى فيبدأ ينظر للخارج هو ياخذني كده من
الأول لو انا عجاك كده يبقى أنا اتحجب بره
بيتي وجوه البيت براحتي على الآخر بل أنا
أزعم إن من سعادة الشخص إنه ياخذ واحده
مش بتتبرج خارج البيت ليه ؟

لأن في العادة البنات اللي مبتطلعش حباها
للزينة بره البيت بتطلعاه بزيادة جوه البيت
إنها بتمنع نفسها من الزينة خارج البيت

وتيجي تعملها جوه البيت وبزيادة فالبالتالي
الزوج هو اللي بيستمع بالأمر ده في الآخر
والعكس اللي بتطلع الحاجة دي بره البيت
ممكن تزهد فيها جوه البيت بعد كده فيشوفها
بره ميه لكن تيجي جوه زاهدة أنها تتزين ليه
ونحو ذلك فتحصل المشاكل ودي من ملامح
عدم البركة ..

• فأنتي تتحجي عشان ربنا يرزقك زوج
صالح ..

• تتحجي عشان ياخدك كده ويحترمك كده
ويحبك كده ويرضى بيكي كده ..

♡ اتحجي عشان هيشوفك في البيت أجمل
بكثير وهتكبري في نظره مش هتقلي مش
هيبقى شافك أجمل حاجة وجوه البيت تقلي .

• اتحجبي لانه هيشوفك كده ولسه مشافش
الأجمل وده ادوى لدوام العشرة ..

• **الشبهة العاشرة** في واحدة مثلاً تقولك أنا
مش أد النقاب أو مش أد الحجاب وده باعتبار
مشكلة عندك وهي (افتراض المثالية) يعني
إننا افترضنا إن نلبس حجاب واسع أو خمار
أو البس نقاب أنا المفروض اكون ملاك
مغلطش فأنالما أكون ملاك هلبس اللبس ده
وطبعاً ده تصور خاطئ

✓**الرد :-** إحنا بنقول الحجاب أو اللحية أو
النقاب كل ده في النهاية هي طاعة ما بنعملها
كوني بعمل الطاعة دي ولسه عندي أخطاء ما
في مشكلة بل أنا بجاهد نفسي إن أنا اتحكم في
نفسي وأكون أحسن وأفضل مش شرط أكون
كامل عشان التزم أو التحي مش شرط تكوني

كامله عشان تلبسي نقاب أو حجاب أو خمار
ممکن يكون الواحد لسه عنده معاصي معينة
ويعمل الحاجة دي مش مشكلة إحنا بنحاول
نكون أحسن وملناش دعوة بنظرة الناس لينا
هي الناس اللي عملت فينا كده لأن الناس
بتشوفني ملتحي يبقى خلاص لازم اكون
معصوم أو أنتي منتقبة يبقى لازم تكوني
معصومة فإحنا ملناش دعوة بنظرة الناس
وانظر لنفسي وأنا عارف نفسي وإن كل بني
آدم خطاء ومفیش تعارض عندي بإن أنا اكون
ملتحي أو منتقبة أو بغلط وطالما أنا بجتهد
وبحاول اكون كل يوم أحسن فده مش
هيمنعني إني أخذ الخطوة ومش هستنى أكون
مثالي علشان البس أو أخذ الخطوة دي

• شبهة ثانية واحدة تقولك طب ما نص

البنات مش لابسين حجاب

✓الرد :- أغلب العالم كفار إحنا بنمشي مع

الأغلب وخلص

طيب يبقى كلنا نكفر طالما أغلب العالم كفار
وإن الكفار أكثر من المسلمين وإحنا مش
بنعرف الحق بالأكثرية بل ربنا سبحانه قال {
وإن تطع أكثر من في الأرض يضلوك عن
سبيل الله } وعادة القلة هي اللي بتكون على
الحق وقد قال القائل اسلك طريق الصالحين
ولا يضرك قلة السالكين ودع عنك طرق
الضلال ولا يغرنك كثرة الهالكين وميغرکش
إن الناس كثير بتهلك يبقوا صح لأمكن يبقوا
غلط ويكون القلة هم الحق والصح

واحدة بقا بتقول والله أنا مشكلتي إني خايفة
صحابي يألّسوا عليا ويسخروا مني بالعكس
التجربة بتقول إن اللي بتعمل الخطوة دي اللي
بيثنوا عليها ويثبتوها ويساعدوها أكثر بكثير
من اللي بيقطموها ويسخروا منها ثم إحنا مش
عايزين رضا الناس لأن رضاهم (غاية لا
تُدرك) اللي بتلبس حجاب يألّسوا عليها
ويستهزئوا منها واللي بتلبس نقاب بتلاقي اللي
بيحبها واللي بيكرهها واللي مش بتلبس خالص
هتلاقي اللي بيحبها واللي بيكرهها إحنا عمرنا
ما هنعرف نرضي الناس أبداً لكن نعرف
نرضي ربنا بس فالناس لا أستطيع أن
أرضيهم أبدا ولا افكر في ذلك ولكن عندي

☞ قاعدة جلية /] من أرضى الناس بسخط

الله ، سخط الله عليه واسخط الناس وأما من

أرضى الله بسخط الناس ، رضى الله عنه
وارضى الناس]

فأنا ارضى ربنا وهلاقي كل حاجة بالعكس
الناس احترموكي في قرارك وأثنوا عليك
وشكروا فيكي ويمكن تلاقي بنات كثير تقلدك
بعد كده وتعتبرك قدوة وكان في بنات بتفكر
زيك وكانت مستتية واحدة زيك تاخذ القرار
عشان تقلدك فكل ده في ميزان حسناتك .

✍ **آخر شبهة** ممكن واحدة تيجي تقولك
أصل أنا الحجاب مش هيخليني جميلة ، لازم
نعترف يا بنات إن أكيد الحجاب مش هيخليكي
أجمل حاجة خاصة لو نقاب مش هنشوف
حاجة إحنا مش هنضحك عليك هو انتي
بتلبسي الحجاب عشان مين يعني هدف
الحجاب إن الجمال يتستر عن أعين الشباب

وأعين غير المحارم علشان ده يحميكي أظهر
لقلبك وأقل في الأذى لأن لو انتي أجمل
هتزداد المشكلة وتزداد الفتنة وتزداد الأذى
فأكيد الحجاب مش هيخليكي جميلة قدام غير
المحارم ومبهرة وفاتنة وملفتة للنظر ده مش
مقصود الحجاب بل الحجاب بيعمل عكس كده
لكن عندنا حاجتين :

الأولى ← ستكونين جميلة في نظر من لهم
أن ينظروا اليكي وهم (زوجك _ النساء لما
تبقي معاهم لوحدهم _ المحارم) كل دول
هتكوني قدامهم جميلة زي ما انتي عادي كل
دول لهم أن ينظروا اليكي وتجملي لهم كما
وعيشي كما تشائين فدي مفيش مشكلة كل ده
رغبتك إنك تكوني جميلة هتطلع لمن يستحق
أن يرى هذا الجمال أو يناسبه أن يرى هذا

الجمال أو مفيش ضرر عليكي أنه يرى هذا
الجمال أما ما عدا المحارم فدي مشكلتنا وده
المطلوب إن انتي متكونيش فاتنة مبهرة أمام
هولاء .

الثانية ← وإن كنا نقول إن أكيد هتبقيني
خارج دائرة المسموح ليهم بالنظر اليكي هتبقيني
مش بنفس جمال التبرج لكن أقول لك الحجاب
له جمال لا يفهمه إلا أهل الخير وأهل العفة
مش الجمال الحسي اللي انتي فاهماه ، حتى
النقاب ممكن يكون أسود ممكن يكون مش
مبين من المرأة حاجة لكن والله يضيفي عليها
جمال وهو الجمال المعنوي لا يفهمه إلا أهل
الخير وأهل العفة يرون المرأة فيرونها جميلة
حتى وإن لم يرى منها شئ وهذا جمال ناتج
عن حب الإنسان للطاعة لما يرى الإنسان

الطاعة يرى جمالاً لا أعرف تفسيره لكنه أكيد
مش الجمال اللي هيخليني اعاكس واحدة ولا
الجمال اللي هيحاول يخليكي اكلهما ولا
الجمال اللي هيخليني اتحرش بيها بالعكس ،
الجمال ده فيه جمال مع مهابة وجلال وده مش
هيفهمه إلا أهل الخير وأما أهل الشر مش
هيشوفوكي جميلة خالص وهيقولوا لك كنتي
احلى من غير حجاب وهم دول اللي أصلاً
إحنا مش عايزينهم وميهمناش رأيهم ولا
يهمونا في شئ ومحتاجين نبعد عنهم في
الفترة دي عشان نقدر نثبت ونكمل ..

فأنا حاولت أجمع المشاكل اللي بتواجه البنات
في الحجاب والشبهات اللي عليه واحتمال
نكمل المرة القادمة في لايف جديد بعنوان (
مواصفات الحجاب الشرعي) والله تعالى

اعلى واعلم وارجوا إن الكلام النহারدة ینفع
البنات ویاریت کل واحدة بقا سمعت واقتنعت
تاخذ قرار اللی مش محببة تتحبب واللی
محببة حباب نص نص تحسنه اللی مترددة
فی خطوة النقاب تنتقل إليها فوراً بلا تردد کل
حاجة جاوننا علیها .

نسأل الله أن یكون هذا الكلام نافع لكل بنت
وصدقة جاریة لی ولكل من نشره ویارب
تكونوا استفدتوا ربنا یبارک فیکم وأنا سعید
جدا بلقائکم الطیب و أحبکم فی الله .

**سبحانک اللهم وبحمدک أشهد أن لا إله إلا أنت
أستغفرک وأتوب إلیک..**

السلام علیکم ورحمة الله وبرکاته